

# REGLUGERÐ

um greiðsluþáttöku sjúkratryggðra í kostnaði vegna heilbrigðisþjónustu.

## I. KAFLI

### Almenn ákvæði.

1. gr.

*Gildissvið.*

Í reglugerð þessari er kveðið á um þau gjöld sem sjúkratryggðir skulu greiða fyrir heilbrigðisþjónustu sem veitt er á heilsugæslustöðvum og sjúkrahúsum og fyrir heilbrigðisþjónustu sem veitt er hjá sjálfstætt starfandi læknum, sjúkraþjálfurum, iðjuþjálfum, talmeinafræðingum og sálfræðingum sem Sjúkratryggingar Íslands hafa samið við skv. IV. kafla laga nr. 112/2008, um sjúkratryggingar. Enn fremur er í reglugerðinni kveðið á um þau gjöld sem sjúkratryggðir skulu greiða fyrir meðferð húðsjúkdóma sem veitt er af öðrum heilbrigðisstarfsmönnum en læknum samkvæmt samningum. Loks er kveðið á um gjald fyrir sjúkraflutninga.

Þjónustuveitendum, sbr. 1. mgr., er óheimilt að innheimta hærri eða önnur gjöld af sjúkratryggðum en kveðið er á um í reglugerð þessari og fylgiskjali með henni.

Sjúkratryggingar Íslands skulu kynna almenningi efni þessarar reglugerðar.

2. gr.

*Hverjir eru sjúkratryggðir.*

Sjúkratryggður er sá sem er búsettur á Íslandi og hefur verið það a.m.k. síðustu sex mánuðina áður en bóta er óskað úr sjúkratryggingum að uppfylltum öðrum skilyrðum laga um sjúkratryggingar nema annað leiði af milliríkjasamningum, sbr. 10. gr. laga um sjúkratryggingar. Með búsetu er átt við lögheimili í skilningi lögheimilisлага. Börn yngri en 18 ára sem búsett eru hér á landi eru sjúkratryggð með foreldrum sínum. Sama á við um stjúpbörn og fósturbörn. Að öðru leyti gilda 10.–16. gr. laga um sjúkratryggingar um það hverjir teljast sjúkratryggðir hér á landi.

Sjúkratryggingar Íslands ákvarða hvort einstaklingur telst sjúkratryggður.

## II. KAFLI

### Greiðslur sjúkratryggðs og afsláttarstofn.

3. gr.

*Hámarksgreiðsla sjúkratryggðra.*

Hámarksgreiðsla sjúkratryggðs almennt í almanaksmánuði fyrir heilbrigðisþjónustu samkvæmt reglugerð þessari, er 24.600 kr. Fari heildarkostnaður sjúkratryggðs í almanaksmánuði yfir þá fjárhæð greiða sjúkratryggingar, þ.e. Sjúkratryggingar Íslands eða viðkomandi heilbrigðisstofnun, það sem umfram er, sbr. þó 4. gr.

Hámarksgreiðsla aldraðra, öryrkja, barna og barna með umönnunarmat í almanaksmánuði fyrir heilbrigðisþjónustu samkvæmt reglugerð þessari, er 16.400 kr. Fari heildarkostnaður í almanaksmánuði yfir þá fjárhæð greiða sjúkratryggingar, þ.e. Sjúkratryggingar Íslands eða viðkomandi heilbrigðisstofnun, það sem umfram er, sbr. þó 4. gr.

Börn með sama fjölskyldunúmer samkvæmt skilgreiningu Þjóðskrár Íslands skulu teljast einn einstaklingur. Hámarksgreiðsla barna í sömu fjölskyldu, almennt í almanaksmánuði fyrir heilbrigðisþjónustu samkvæmt reglugerð þessari, er 16.400 kr. Fari heildarkostnaður í almanaksmánuði yfir þá fjárhæð greiða Sjúkratryggingar Íslands eða viðkomandi heilbrigðisstofnun það sem umfram er, sbr. þó 4 gr.

Til að sjúkratryggðir njóti réttinda samkvæmt þessari grein ber veitanda heilbrigðisþjónustu að skila reikningsupplýsingum til Sjúkratrygginga Íslands á því formi sem stofnunin ákveður.

#### 4. gr.

##### *Afsláttarstofn og greiðslur sjúkratryggðs fyrir heilbrigðisþjónustu.*

Greiðslur sjúkratryggðs fyrir heilbrigðisþjónustu samkvæmt reglugerð þessari mynda afsláttarstofn. Afsláttarstofn er nýttur við ákvörðun á greiðslum sjúkratryggðs við kaup á heilbrigðisþjónustu. Afsláttarstofn verður aldrei hærri en hámarksgríðsla sjúkratryggðs í almanaksmánuði, sbr. 3. gr. Afsláttarstofn flyst á milli mánaða að frádregnum 1/6 hluta af hámarksgríðslu um hver mánaðamót, óháð greiðslum sjúkratryggðs.

Við ákvörðun greiðslupáttöku sjúkratryggðs vegna heilbrigðisþjónustu samkvæmt reglugerð þessari skal leggja saman afsláttarstofn og greiðslur sjúkratryggðs við kaup á heilbrigðisþjónustu. Séu samanlagðar greiðslur lægri en hámarksgríðsla, sbr. 3. gr., greiðir sjúkratryggður kostnaðinn allt að hámarksgríðslu. Kostnaður umfram hámarksgríðslu sjúkratryggðs greiðist af Sjúkratryggingum Íslands, ef um er að ræða þjónustu sem þær taka þátt í að greiða, annars af viðkomandi heilbrigðisstofnun.

#### 5. gr.

##### *Greiðslur sem falla ekki í afsláttarstofn.*

Eftirfarandi greiðslur falla ekki í afsláttarstofn skv. 4. gr.:

1. Greiðslur skv. 11. gr. vegna þjónustu í heilsugæslu með þar tilgreindum undantekningum.
2. Greiðslur skv. 8. mgr. 13. gr. vegna kostnaðar við dagvist aldraðra.
3. Greiðslur skv. 14. gr. vegna endurtengingar eggjaleiðara eða sáðrásar eftir ófrjósemisaðgerð.
4. Greiðslur skv. 15 gr. vegna læknisvottorða.
5. Greiðslur skv. 2. og 4. mgr. 1. tölul. 1. mgr. 16. gr. vegna komu til sérfræðings í augnlækningum og komu á göngudeild til sérfræðings í háls-, nef og eyrnalækningum í nánar tilgreindum tilvikum.
6. Greiðslur skv. 32. gr. vegna sjúkraflutninga.

### III. KAFLI

#### **Orðskýringar. Fagleg samskipti heilbrigðisstarfsmanna.**

#### 6. gr.

##### *Orðskýringar.*

Í reglugerð þessari hafa eftirfarandi orð svofellda merkingu:

1. Aldraður: Sjúkratryggður einstaklingur 67 ára og eldri og sjómaður 60 ára og eldri sem stundað hefur sjómenntsku í 25 ár eða lengur, sbr. 8. og 9. mgr. 17. gr. laga nr. 100/2007, um almannatryggingar.
2. Börn: Sjúkratryggðir einstaklingar yngri en 18 ára.
3. Börn með umönnunarmat: Sjúkratryggð börn og ungmenni á aldrinum 18 og 19 ára sem eru með umönnunarmat frá Tryggingastofnun ríkisins, sbr. 4. gr. reglugerðar nr. 504/1997, um fjárhagslega aðstoð við framfærendur fatlaðra og langveikra barna, með síðari breytingum.
4. Sjúkratryggðir almennt: Sjúkratryggðir einstaklingar aðrir en aldraðir, öryrkjar, börn og börn með umönnunarmat frá Tryggingastofnun ríkisins.
5. Öryrki: Sjúkratryggður einstaklingur sem hefur verið metinn til a.m.k. 75% örorku hjá Tryggingastofnun ríkisins, sbr. b-lið 1. mgr. 18. gr. laga nr. 100/2007, um almannatryggingar. Einstaklingar með endurhæfingarlífeyri njóta sömu réttinda og öryrkjar samkvæmt reglugerð þessari.
6. Umsamið heildarverð: Gjald sem samið hefur verið um í samningum Sjúkratrygginga Íslands við veitendur heilbrigðisþjónustu, skv. IV. kafla laga nr. 112/2008, um sjúkratryggingar.

7. Ákveðið heildarverð: Gjald vegna sérfræðipjónustu á göngu- og dagdeildum sjúkrahúsa sem ýmist fer eftir samningum, sbr. 6. tölul., eða gjaldskrá Sjúkratrygginga Íslands skv. 38. gr. laga um sjúkratryggingar, nr. 112/2008, séu samningar ekki fyrir hendi.

7. gr.

*Fagleg samskipti heimilislækna, heilsugæslulækna og sérgreinalækna.*

Í samræmi við markmið um að tryggja fagleg samskipti milli heimilislækna, heilsugæslulækna og sérgreinalækna er gert ráð fyrir því sem meginreglu í reglugerð þessari að samskipti sjúklings og læknis hefjist hjá heimilis- eða heilsugæslulækni.

Sjúklingur sem kemur til sérgreinalæknis fyrir milligöngu heimilis- eða heilsugæslulæknis skal hafa fengið tilvísun frá heimilis- eða heilsugæslulækni. Sérgreinalæknirinn skal ávallt senda læknabréf til heimilis- eða heilsugæslulæknis sjúklings, sbr. þó 4. mgr.

Komi sjúklingur til sérgreinalæknis án milligöngu heimilis- eða heilsugæslulæknis skal sérgreinalæknir ávallt senda heilsugæslu- eða heimilislækni sjúklingsins læknabréf. Komi sjúklingur til sérgreinalæknis fyrir milligöngu annars sérgreinalæknis skal síðari sérgreinalæknirinn ávallt senda læknabréf til heimilis- eða heilsugæslulæknis sjúklingsins og þess sérgreinalæknis sem hafði milligöngu um samskiptin, sbr. þó 4. mgr.

Sjúklingi er heimilt að óska þess við lækni að hann sendi ekki upplýsingar honum viðkomandi til annarra lækna. Þess skal þá getið í sjúkraskrá. Lækni er og skylt að útskýra fyrir sjúklingi ábyrgð þá sem þessu fylgir fyrir sjúklinginn sjálfan og þær mögulegu afleiðingar að tilvísun fáist ekki útgefín.

**IV. KAFLI**  
**Heilsugæsla.**

8. gr.

*Komugjöld á dagvinnutíma.*

Fyrir komu á heilsugæslustöð eða til heimilislæknis á dagvinnutíma skulu sjúkratryggðir greiða sem hér segir:

1. Sjúkratryggðir almennt, 1.200 kr.
2. Aldraðir og öryrkjar, 600 kr.
3. Börn og börn með umönnunarmat greiða ekkert gjald.

Undanþegnar gjaldskyldu eru komur vegna mæðraverndar og heilsuverndar barna, heilsugæsla í skólum og unglingsmóttaka í heilsugæslu sem veitir ráðgjöf og fræðslu um forvarnir. Með mæðravernd og heilsuvernd barna er átt við mæðravernd og heilsuvernd barna eins og hún er skilgreind í leiðbeiningum Embættis landlæknis.

Gjöld samkvæmt þessari grein renna til reksturs heilsugæslustöðvar eða stofureksturs heimilislæknis.

9. gr.

*Komugjöld utan dagvinnutíma.*

Fyrir komu á heilsugæslustöð eða til heimilislæknis utan dagvinnutíma, þ.e. milli kl. 16.00 og 08.00 og á laugardögum og helgidögum, skulu sjúkratryggðir greiða sem hér segir:

1. Sjúkratryggðir almennt, 3.100 kr.
2. Aldraðir og öryrkjar, 1.500 kr.
3. Börn og börn með umönnunarmat greiða ekkert gjald.

Hafi læknir sjálfur valið að sinna læknisstarfi utan dagvinnutíma skal greitt skv. 8. gr.

Gjöld samkvæmt þessari grein renna til reksturs heilsugæslustöðvar eða stofureksturs heimilislæknis.

10. gr.

*Gjöld vegna vitjana lækna.*

Fyrir vitjun læknis á dagvinnutíma skulu sjúkratryggðir greiða sem hér segir:

1. Sjúkratryggðir almennt, 3.400 kr.
2. Aldraðir og öryrkjar, 1.700 kr.
3. Börn og börn með umönnunarmat greiða ekkert gjald.

Fyrir vitjun læknis utan dagvinnutíma skulu sjúkratryggðir greiða sem hér segir:

1. Sjúkratryggðir almennt, 4.500 kr.
2. Aldraðir og öryrkjar, 2.200 kr.
3. Börn og börn með umönnunarmat greiða ekkert gjald.

Með vitjun samkvæmt þessari grein er átt við þjónustu læknis utan heilsugæslustöðvar eða starfstöðvar sjálfstætt starfandi læknis.

Hafi læknir sjálfur valið að sinna vitjun utan dagvinnutíma skal greiða vitjanagjald dagvinnutíma skv. 1. mgr.

Vitjanagjald greiðist lækni og dregst frá samningsbundinni þóknun hans fyrir vitjanir.

11. gr.

*Gjöld fyrir aðra þjónustu.*

Auk komugjalda skv. 8. og 9. gr. skulu sjúkratryggðir greiða gjald fyrir bólusetningar á heilsugæslustöð eða hjá heimilislækni sem starfar utan heilsugæslustöðva miðað við kostnaðarverð/innkaupsverð fyrir hvern skammt bóluefnis. Verðskrá skal birt á vefsíðu Heilsugæslu höfuðborgarsvæðisins og gildir hún fyrir allar heilsugæslustöðvar og heimilislækna. Þó er bóluefni við árstíðabundinni inflúensu að kostnaðarlausu þeim sem eru í sérstökum áhættuhópum og sóttvarnalæknir tilgreinir. Gjöldin skulu einnig greidd í heimahjúrun.

Ekkert gjald er greitt fyrir heilsuvernd barna og heilsugæslu í skólum, sbr. 2. mgr. 8. gr. Í heilsuvernd barna er ekki greitt gjald fyrir bólusetningar við stífkampa, mænusótt, rauðum hundum og MMR (mislingar + hettusótt + rauðir hundar), barnaveiki, kíghósta, H. influenzae b sjúkdómi, mislingum, hettusótt, meningókokkasjúkdómi C, pneumókokkasjúkdómi og leghálskrabbameini af völdum HPV.

Auk komugjalda skv. 8. og 9. gr. skulu sjúkratryggðir, aðrir en börn og börm með umönnunarmat, greiða gjald fyrir aðra þjónustu en um getur í 1. mgr. sem hér segir:

1. Þungunarpróf, 150 kr.
2. Streptokokkarannsóknir, 300 kr.
3. Lyfjaleit í þvagi, 800 kr.
4. CRP (C-reaktift prótein), 1.100 kr.
5. HbA1c (glýkósýlerað hemóglóbín), 2.100 kr.
6. Berklapróf (Mantoux), kostnaðarverð/innkaupsverð.
7. Lykkja (T), 6.000 kr.
8. Hormónalykkja, kostnaðarverð/innkaupsverð.
9. Ofnæmispróf (prick húðpróf), kostnaðarverð/innkaupsverð.
10. Pokar vegna blóðaftöppunar, 1159 kr.
11. Námskeið fyrir verðandi foreldra:
  - a. Námskeið um undirbúning fæðingar, 10.200 kr.
  - b. Námskeið fyrir verðandi tvíburaforeldra, 10.200 kr.

- c. Fræðsla um brjóstagjöf, 5.600 kr. fyrir par, 2.800 kr. fyrir einstakling.
- d. Heilsan mín – meðgangan: heilsunámskeið fyrir barnshafandi konur í yfirvigt.

Námskeiðið er þátttakendum að kostnaðarlausu.

12. Færniþjálfunarnámskeið fyrir foreldra og börn:

- a. Uppeldisnámskeið fyrir foreldra, 9.900 kr. fyrir eitt foreldri og 12.300 kr. fyrir báða foreldra.
- b. Uppeldis- og foreldrafærninámskeið fyrir foreldra barna með ADHD, 11.100 kr. fyrir eitt foreldri og 14.900 kr. fyrir báða foreldra.
- c. Snillingarnir – færniþjálfunarnámskeið (samskipti, tilfinningastjórn, athygli o.fl.) fyrir 8–10 ára börn með ADHD, 8.500 kr.
- d. Klókir krakkar – meðferðarnámskeið fyrir börn með kvíða og foreldra þeirra, 14.900 kr. fyrir barn og foreldri.
- e. Vinasmiðjan – færniþjálfunarnámskeið fyrir börn á einhverfurófi, 8.500 kr.

Gjöld samkvæmt þessari grein renna til reksturs heilsugæslustöðvar.

12. gr.

*Gjöld vegna krabbameinsleitar.*

Vegna krabbameinsleitar á heilsugæslustöðvum og hjá heimilislæknum (legstrok og mynd af brjóstum) skal sjúkratryggður greiða sem hér segir:

- 1. Fyrir legstrok, sjúkratryggður almennt, 4.400 kr. Aldraðir og öryrkjar 2.200 kr.
- 2. Fyrir mynd af brjóstum, sjúkratryggður almennt 4.400 kr. Aldraðir og öryrkjar 2.200 kr.
- 3. Þegar legstrok er tekið og mynd af brjóstum tekin í sömu komu greiða sjúkratryggðir almennt 6.600 kr. Aldraðir og öryrkjar 3.300 kr.

Gjöld samkvæmt þessari grein renna til Krabbameinsfélags Íslands vegna úrlesturs frumusýna, röntgenmynda og leitarstarfs.

V. KAFLI  
Sjúkrahús.

13. gr.

*Komugjöld.*

Sjúkratryggðir greiða ekkert gjald fyrir legu á sjúkrahúsum sem rekin eru af ríkinu eða samkvæmt samningum. Legan skal tryggð eins lengi og nauðsyn krefur ásamt læknishálp, lyfjum og annarri þjónustu sem sjúkrahúsið veitir. Með legu er átt við samfellda dvöl sjúkratryggðs á sjúkrahúsi, á legudeild eða í undantekningartilvikum bráðamóttökudeild þegar ekki er unnt að innrita sjúkratryggðan á legudeild, í sólarhring, þ.e. 24 klukkustundir eða lengur, vegna sjúkdómsástands/meðferðar sem krefst almennt innlagnar á legudeild.

Ef sjúkratryggður, sem skráður er í legu á sjúkrahúsi, leitar heilbrigðisþjónustu utan sjúkrahússins, þar sem ekki er unnt að veita honum þjónustuna á sjúkrahúsinu, greiðir hann gjald í samræmi við önnur ákvæði reglugerðar þessarar.

Fyrir komu og endurkomu á slysadeild og bráðamóttöku sjúkrahúsa skulu sjúkratryggðir greiða sem hér segir:

- 1. Sjúkratryggðir almennt, 6.200 kr.
- 2. Aldraðir og öryrkjar, 4.100 kr.
- 3. Börn og börn með umönnunarmat greiða ekkert gjald.

Fyrir komu og endurkomu á dag- eða göngudeild sjúkrahúsa vegna þjónustu annarra en sérgreinalækna skulu sjúkratryggðir greiða sem hér segir:

- 1. Sjúkratryggðir almennt, 3.400 kr.

2. Aldraðir og öryrkjar, 2.200 kr.
3. Börn og börn með umönnunarmat greiða ekkert gjald.

Sjúkratryggðir sem koma oftar en einu sinni á sólarhring vegna sama vandamáls skulu einungis greiða fyrir eina komu á sólarhring, þ.e. á 24 klukkustundum.

Sjúkratryggðir skulu, þrátt fyrir 4. mgr., taka þátt í kostnaði við iðjuþjálfun, sjúkraþjálfun og talþjálfun á sjúkrahúsum á sama hátt og þeir sem leita til þjálfsara sem starfa samkvæmt samningi við Sjúkratryggingar Íslands, sbr. 22. gr. Skiptafjöldi í viðurkenndri iðjuþjálfun, sjúkraþjálfun og talþjálfun, sem veitt er á göngudeildum sjúkrahúsa, telst ekki til meðferðarskipta skv. 20. gr.

Sjúkratryggðir skulu, þrátt fyrir 4. mgr., taka þátt í kostnaði við meðferð húðsjúkdóma, sem veitt er á sjúkrahúsi af öðrum en læknum, á sama hátt og þeir sem leita til meðferðaraðila sem starfa samkvæmt samningi við Sjúkratryggingar Íslands, sbr. 24. gr.

Sjúkratryggðir almennt skulu greiða 24.600 kr. fyrir keiluskurðaðgerðir, sbr. þó 3. gr. Aldraðir og öryrkjar greiða 2/3 af því sem sjúkratryggðir almennt greiða, sbr. 3. gr.

Sjúkratryggðir almennt skulu greiða 24.600 kr. fyrir kransæða- og hjartaþræðingu, sbr. þó 3. gr. Aldraðir og öryrkjar skulu greiða 2/3 af því sem sjúkratryggðir almennt greiða fyrir kransæða- og hjartaþræðingu, sbr. 3. gr. Börn og börn með umönnunarmat greiða ekkert gjald.

Aldraðir sem njóta þjónustu dagvistar í tengslum við sjúkrahús skulu taka þátt í kostnaði af dagvistinni skv. 19. gr. laga nr. 125/1999, um málefni aldraðra.

Gjöld fyrir þjónustu skv. VIII. kafla greiðast til viðbótar við komugjöld skv. 3. mgr. Þó skulu komugjald og gjöld skv. VIII. kafla takmarkast við hámarksgjald í almanaksmánuði, sbr. 3. gr.

Gjöld samkvæmt þessari grein skulu renna til reksturs sjúkrahúss.

14. gr.

*Gjald fyrir endurtengingu eggjaleiðara eða sáðrásar eftir ófrjósemisaðgerð.*

Fyrir endurtengingu eggjaleiðara eftir ófrjósemisaðgerð skal sjúkratryggður greiða 247.000 kr. Fyrir endurtengingu sáðrásar eftir ófrjósemisaðgerð skal sjúkratryggður greiða 295.000 kr.  
Gjald samkvæmt þessari grein rennur til reksturs sjúkrahúss.

## VI. KAFLI

### Sameiginleg ákvæði fyrir þjónustu í heilsugæslu, hjá heimilislæknum og á sjúkrahúsum.

15. gr.

*Gjöld fyrir læknisvottorð í heilsugæslu, hjá heimilislæknum og á sjúkrahúsum.*

Fyrir læknisvottorð á formi Tryggingastofnunar ríkisins vegna lífeyristrygginga eða bóta félagslegrar aðstoðar og á formi Sjúkratrygginga Íslands vegna sjúkratrygginga eða slysatrygginga skulu sjúkratryggðir greiða sem hér segir:

1. Ekkert gjald fyrir örorkuvottorð vegna lífeyristrygginga (A og B), örorkuvottorð vegna slysatrygginga (A), vottorð vegna fjárhagslegrar aðstoðar við fötluð og sjúk börn eða vottorð vegna endurhæfingarlífeyris.
2. Fyrir framhaldsvottorð vegna slysatrygginga, 600 kr.
3. Fyrir læknisvottorð vegna slysatrygginga (áverkavottorð), vegna beiðni um þjálfun, vegna öflunar hjápartækja, vegna lengingar fæðingarorlofs, vegna hreyfihömlunar (uppbót vegna reksturs bifreiðar), vegna umsóknar um styrk og uppbót til kaupa á bifreið fyrir fatlað fólk, vegna heimahjúkrunar, vegna umsóknar um lyfjaskírteini, vegna meðferðar sjúklings

erlendis, vegna sjúkradagopeningavottorðs eða skýrslu vegna ferðakostnaðar innanlands, 1.250 kr.

Fyrir önnur læknisvottorð en tilgreind eru í 1. mgr. skal innheimta gjöld sem hér segir:

1. Ekkert gjald fyrir vottorð vegna andláts (dánarvottorð).
2. Fyrir vottorð um fjarvistir nemenda úr skólum, 570 kr.
3. Fyrir vottorð vegna sjúkranudds, 1.250 kr.
4. Fyrir vottorð um fjarvistir til atvinnureknda, ónæmisaðgerðir og alþjóðaónæmisskírteini, heilsufar nemenda til skóla, leikskóla og sumarbúða, vottorð um heilsufar einstaklinga til félagsþjónustunnar og annarra stofnana, vottorð um undanþágu til bílbeltanotkunar, vottorð vegna veitingar ökuleyfis og endurgreiðslu ferðakostnaðar, svo sem ferðarofs, vottorð til skattyfirvalda og vottorð um heilsufar kjörforeldra, stuðningsforeldra og fósturforeldra 1.880 kr.
5. Fyrir vottorð vegna bóta úr slysa- og sjúkrasjóðum stéttarfélaga, án greinargerðar, 1.280 kr.
6. Fyrir vottorð vegna umsókna um örorkubætur til lífeyrissjóða, fóstureyðingar og ófrjósemis-aðgerðar skal miða við hversu langan tíma það tekur lækni að gera vottorðið og skal greiða 4.390 kr. fyrir hverjar byrjaðar 20 mínútur.
7. Fyrir vottorð vegna byssuleyfis, skóla og sumarbúða erlendis og um heilsufar eða vinnufærni vegna umhverfis eða atvinnu, þ.m.t. vegna atvinnuréttinda (meiraprófs), 5.230 kr.
8. Fyrir vottorð til lögmannna og tryggingafélaga vegna sjúkdóma eða slysa, til tryggingafélaga vegna líf- og sjúkdómatrygginga eða umsókna um örorkubætur eða aétteleiðingu, til löggreglu, sýslumannna, vegna dvalar- og/eða atvinnuleyfa hér á landi og dvalar eða starfa erlendis, fyrir ítarlegt vottorð um heilsufar einstaklings vegna beiðni þriðja aðila (skóla, atvinnurekanda, sjómannavottorð), skal miða við hversu langan tíma það tekur lækni að gera vottorðið og skal greiða 4.390 kr. fyrir hverjar byrjaðar 20 mínútur.

Gjöld fyrir vottorð samkvæmt þessari grein skulu renna til viðkomandi stofnunar.

## VII. KAFLI

### Sameiginleg ákvæði fyrir þjónustu utan sjúkrahúsa og á göngudeildum og dagdeildum sjúkrahúsa.

16. gr.

*Gjöld fyrir sérgreinalæknishjálp.*

Fyrir hverja komu til sérgreinalæknis utan sjúkrahúsa og á göngudeild eða dagdeild sjúkrahúsa, sbr. þó 14. gr., skulu sjúkratryggðir greiða sem hér segir:

1. Sjúkratryggðir almennt, 90% af umsöndu eða ákveðnu heildarverði fyrir komuna, sbr. þó 3. gr.  
Fyrir komu til sérfræðings í augnlækningum til sjónmælingar vegna sjónlagsgalla greiða sjúkratryggðir almennt umsamið eða ákveðið heildarverð. Greiðslur samkvæmt þessari málsgrein falla ekki í afsláttarstofn, sbr. 5. gr.  
Stafi sjónlagsgallinn, eða notkun gleraugna, af slysi eða sjúkdómi falla greiðslur þó í afsláttarstofn, sbr. 4. gr.  
Fyrir komu á göngudeild til sérfræðings í háls-, nef- og eyrnalækningum vegna sérhæfðrar skoðunar til öflunar flugréttinda eða viðhalds þeirra greiða sjúkratryggðir umsamið eða ákveðið heildarverð. Greiðslur samkvæmt þessari málsgrein falla ekki í afsláttarstofn, sbr. 5. gr.
2. Aldraðir og öryrkjar, 2/3 af því sem sjúkratryggðir greiða almennt fyrir komuna, sbr. þó 3. gr.

3. Börn á aldrinum tveggja ára til og með 17 ára með tilvísun frá heilsugæslu- eða heimilislækni greiða ekkert gjald, annars 1/3 af því sem sjúkratryggðir greiða almennt fyrir komuna, sbr. þó 3. gr.
4. Börn yngri en tveggja ára og börn með umönnunarmat greiða ekkert gjald.

Fyrir kostnað vegna einnota áhalda og efna, sem notuð eru vegna aðgerða utan sjúkrahúsa hjá sérfræðingum í skurðlækningum og svæfingum, greiða sjúkratryggðir ekkert gjald.

Fyrir rafræn samskipti (símtöl og tölvupóst) við sérgreinalækni greiða sjúkratryggðir umsamið heildarverð að fullu enda séu meira en þrír mánuðir liðnir frá komu til sérgreinalæknis.

Með komu til sérgreinalæknis á göngudeild eða dagdeild sjúkrahúsa skv. 1. mgr. er átt við ferliverk, þ.e. læknismeðferð sem unnt er að veita hvort sem er á læknastofum utan sjúkrahúsa eða á sjúkrahúsum og krefst ekki innlagnar á legudeild nema í undantekningartilvikum. Sjúkratryggður greiðir gjald, sbr. 1. mgr., og gildir þá einu þótt næturðvöl kunni að reynast nauðsynleg í einstökum tilvikum enda fari dvölin ekki yfir 24 klukkustundir. Sjúkratryggðir greiða fyrir þjónustu svæfingalæknis á sjúkrahúsi vegna aðgerðar þar hjá sjálfstætt starfandi tannlækni, sama hlutfall og vegna tannlækninganna, sbr. reglugerð um þáttöku sjúkratrygginga í kostnaði sjúkratryggðra við tannlækningar. Börn og börn með umönnunarmat greiða ekkert gjald. Óheimilt er að krefja sjúkratryggðan annarra gjalda vegna aðgerðarinnar.

Gjöld vegna þjónustu á göngudeild eða dagdeild sjúkrahúsa skulu renna til reksturs viðkomandi sjúkrahúss.

## VIII. KAFLI

### Sameiginleg ákvæði fyrir þjónustu í heilsugæslu, á sjúkrahúsum og utan sjúkrahúsa.

#### 17. gr.

*Gjöld fyrir rannsóknir, geisla- og myndgreiningar og beinþéttnimælingar.*

Fyrir hverja komu til rannsóknar á rannsóknarstofu og vegna rannsóknar á sýni sem sent er til rannsóknar í rannsóknarstofu, sbr. þó 14. gr., skulu sjúkratryggðir greiða sem hér segir:

1. Sjúkratryggðir almennt, 2.500 kr.
2. Aldraðir og öryrkjar, 1.650 kr.
3. Börn með beiðni um rannsókn frá heimilis- eða heilsugæslulækni, eða hafa fengið tilvísun til sérgreinalæknis frá heilsugæslu- eða heimilislækni ekkert gjald, annars 1.650 kr.
4. Börn yngri en tveggja ára og börn með umönnunarmat ekkert gjald.

Fyrir hverja komu til geisla- og myndgreiningar og beinþéttnimælingar skulu sjúkratryggðir greiða sem hér segir:

1. Sjúkratryggðir almennt, 90% af umsöndu heildarverði eða verði samkvæmt fylgiskjali 1., sbr. þó 3. gr.
2. Aldraðir og öryrkjar 2/3 af því sem sjúkratryggðir almennt greiða, sbr. þó 3. gr.
3. Börn með beiðni um rannsókn frá heimilis- eða heilsugæslulækni, eða þau sem hafa fengið tilvísun til sérgreinalæknis frá heilsugæslu- eða heimilislækni ekkert gjald, annars 1/3 af því sem sjúkratryggðir almennt greiða, sbr. þó 3. gr. Börn sem koma í beinu framhaldi af slysi greiða ekkert gjald.
4. Börn yngri en tveggja ára og börn með umönnunarmat ekkert gjald.

Gjöld vegna þjónustu á heilsugæslustöð og á sjúkrahúsum skulu renna til reksturs stofnananna.

## IX. KAFLI **Þjálfun.**

### 18. gr. *Þjálfun.*

Þjálfun sem telst læknisfræðilega nauðsynleg og samið hefur verið um fellur undir greiðsluþáttöku Sjúkratrygginga Íslands þegar eftirfarandi skilyrði eru uppfyllt:

1. Þjálfun er nauðsynlegur liður í að greina og meðhöndla vandamál sem orsaka skerðingu á færni.
2. Þjálfun er nauðsynlegur liður í endurhæfingu eða til að fyrirbyggja frekari færniskerðingu vegna fötlunar, frávika í eðlilegum þroska, langvinna sjúkdóma eða í kjölfar aðgerða, veikinda og slysa.

### 19. gr. *Orðskýringar.*

Í kafla þessum hafa eftirfarandi orð svofellda merkingu:

1. *Þjálfun*: Sjúkraþjálfun, iðjuþjálfun og talþjálfun.
2. *Ár*: 365 dagar, talið frá fyrsta meðferðarskipti.

### 20. gr.

#### *Réttur sjúkratryggðs til þjálfunar.*

Forsenda fyrir greiðsluþáttöku Sjúkratrygginga Íslands í þjálfun er að fyrir liggi tilvísun frá lækninum eða sjúkraþjálfara á heilsugæslustöð þar sem fram kemur sjúkdómsgreining. Þó er heimilt að víkja frá þessu skilyrði vegna meðferðar hjá sjúkraþjálfara sem nemur allt að sex skiptum á einu ári.

Sjúkratryggður sem þarf á þjálfun að halda, að mati læknis og þjálfara, sbr. þó undantekningu í 1. mgr., á rétt á allt að 20 nauðsynlegum meðferðarskiptum á einu ári. Sjúkratryggður á einnig rétt á nauðsynlegri viðbótarþjálfun, sbr. 3. og 4. mgr., enda hafi Sjúkratryggingar Íslands samþykkt slíka meðferð.

Ef nauðsyn er talin vera fyrir fleiri skiptum en 20 á einu ári er Sjúkratryggingum Íslands heimilt, í eftirfarandi tilvikum samkvæmt umsókn, að ákvarða viðbótarþjálfun sem sjúkratryggingar taka til, í samræmi við vinnureglur sem stofnunin setur sér:

1. Ef sjúkratryggður er með mjög skerta færni og áframhaldandi þjálfun er ótvírátt nauðsynleg.
2. Ef sjúkratryggður er haldinn langvarandi sjúkdómi sem leitt getur til færniskerðingar sem áframhaldandi þjálfun getur að öllum líkindum seinkað eða komið í veg fyrir.
3. Ef um er að ræða áframhaldandi þjálfun sem er þáttur í nauðsynlegri endurhæfingu í kjölfar veikinda, aðgerðar eða slyss.
4. Ef um er að ræða fjölpætt vandamál sem ekki falla undir lið 1–3 þar sem þjálfun er nauðsynlegur hluti af skipulögðu endurhæfingarferli.

Sækja skal um viðbótarþjálfun fyrir fram. Umsókn um viðbótarþjálfun skal vera á því formi sem Sjúkratryggingar Íslands ákveða. Stofnunin skal hafa tekið afstöðu til umsóknarinnar innan tveggja vikna frá því að hún, ásamt öllum nauðsynlegum gögnum, er móttokin.

Sjúkratryggingum Íslands er heimilt að samþykka sjúkraþjálfun í heimahúsum ef sjúkratryggður einstaklingur er þannig líkamlega á sig kominn að hann kemst ekki í meðferð á sjúkraþjálfunarstofu. Sækja skal fyrir fram um greiðsluþáttöku til Sjúkratrygginga Íslands vegna þessarar meðferðar.

Heimilt er Sjúkratryggingum Íslands að samþykka sjúkraþjálfun á hestbaki þegar um er að ræða skaða í miðtaugakerfi enda sé þjálfunin framkvæmd af sjúkraþjálfara sem hefur sérþekkingu á

sjúkraþjálfun á hestbaki. Sækja skal fyrir fram um greiðsluþáttöku til Sjúkratrygginga Íslands vegna þessarar meðferðar.

#### 21. gr.

##### *Greiðsluþáttaka sjúkratryggðs.*

Greiðslur sjúkratryggðra einstaklinga fyrir þjálfun skv. 20. gr. skulu vera sem hér segir:

1. Sjúkratryggðir almennt, 90% af umsömdu heildarverði, sbr. þó 3. gr.
2. Aldraðir og öryrkjar, 2/3 af af því sem sjúkratryggðir greiða almennt, sbr. þó 3. gr.
3. Börn á aldrinum tveggja ára til og með 17 ára með tilvísun skv. 20. gr., ekkert gjald, annars 1/3 af því sem sjúkratryggðir greiða almennt fyrir komuna, sbr. þó 3. gr.
4. Börn yngri en tveggja ára og bönn með umönnunarmat greiða ekkert gjald.

Ef samið er um hærra heildarverð fyrir tilgreinda hópa sjúkratryggðra eða tilgreinda meðferð reiknast greiðsla sjúkratryggðra einstaklinga út frá heildarverði fyrir almennt umsamda þjálfunar-meðferð. Þetta á þó ekki við um sérstakt umsamið skoðunargjald, sérfraðiálag og sérstakt menntunarálag sjúkraþjálfara en í þeim tilvikum greiða sjúkratryggðir hlutfall af umsömdu verði.

Með fjölda skipta er átt við samanlagðan skiptafjölda sjúkratryggðs á ári í þjálfun.

Hver tvö skipti í hópméðferð hjá þjálfara, sbr. 1. mgr., teljast svara til eins skiptis í annarri þjálfun við talningu af heimild. Það sama gildir um einfalda meðferð.

Fyrir heimameðferð sem Sjúkratryggingar Íslands hafa samþykkt, sbr. 5. mgr. 17. gr., greiðir sjúkratryggður sama gjald og vegna sjúkraþjálfunar á stofu. Í sérstökum tilvikum, ef um mjög alvarlegt sjúkdómsástand eða mjög alvarlega fötlun er að ræða, er Sjúkratryggingum Íslands heimilt að samþykkja heimasjúkraþjálfun án greiðslu sjúkratryggðs.

Fyrir nauðsynlega þjálfun á hestbaki sem Sjúkratryggingar Íslands hafa samþykkt, sbr. 6. mgr. 20. gr., greiðir sjúkratryggður sama gjald og vegna sjúkraþjálfunar á stofu.

#### 22. gr.

##### *Þjálfun á göngudeildum heilbrigðisstofnana.*

Greiðslur sjúkratryggðra fyrir þjálfun á göngudeildum heilbrigðisstofnana skulu fara eftir ákvæðum 21. gr.

#### 23. gr.

##### *Vottorð.*

Sjúkratryggingar Íslands geta krafist vottorðs frá þjálfara eða lækni sjúklings um nauðsyn þjálfunar, einkum vegna þjálfunarmeðferðar umfram 20 skipti á ári og vegna annarrar langtímaðferðar.

#### X. KAFLI

##### **Meðferð húðsjúkdóma sem veitt er af öðrum en læknum.**

#### 24. gr.

##### *Meðferð húðsjúkdóma.*

Meðferð húðsjúkdóma, sem veitt er af öðrum heilbrigðisstarfsmönnum en læknum samkvæmt samningi, fellur undir greiðsluþáttöku sjúkratrygginga þegar um er að ræða nauðsynlega meðferð vegna húðsjúkdóma sem felst í B-geislum, B- og A-geislum, PUVA-meðferð eða margþættri húðmeðferð sem veitt er af öðrum en læknum samkvæmt fyrirmælum læknis.

25. gr.

*Meðferðarstaður.*

Meðferð húðsjúkdóma skal fara fram á starfsstöð rekstraraðila. Meðferð má einungis veita samkvæmt tilvísun læknis.

Meðferð skal veitt samkvæmt fyrirmælum læknis, sérfræðings í húðsjúkdómum, þar sem því verður við komið. Við meðferðina skulu starfa hjúkrunarfræðingar eða aðrir heilbrigðisstarfsmenn sem hafa nægilega kunnáttu til starfans.

26. gr.

*Greiðsluhátttaka sjúkratryggðs.*

Greiðslur sjúkratryggðra almennt fyrir meðferð skv. 1. og 3. gr. skulu vera sem hér segir:

1. Fyrir meðferð sem felst í B-geislum og/eða B- og A-geislum, með eða án smyrsla: 90% af umsöndu heildarverði, sbr. þó 3. gr.
2. Fyrir meðferð sem felst í PUVA-meðferð: 90% af umsöndu heildarverði, sbr. þó 3. gr.
3. Fyrir margþætta húðmeðferð: sama gjald og tilgreint er í 1. tölul.

Greiðslur aldraðra og öryrkja skulu vera 2/3 af því sem sjúkratryggðir almennt greiða, sbr. þó 3. gr.

Börn og börn með umönnunarmat greiða ekkert gjald.

XI. KAFLI

**Þjónusta sjálfstætt starfandi sálfræðinga við börn yngri en 18 ára.**

27. gr.

*Sálfræðibjónusta við börn.*

1. Umsamin sálfræðibjónusta við börn fellur undir greiðsluhátttöku Sjúkratrygginga Íslands þegar eftifarandi skilyrði eru uppfyllt: Að um sé að ræða börn yngri en 18 ára sem þurfa á þjónustu að halda skv. 2. tölul. að mati þverfaglegs greiningarteymis heilbrigðisstarfsmanna eða barnageðlæknis skv. 3. tölul.
2. Að þjónustan taki til sálfræðimeðferðar á grundvelli tilvísunar skv. 3. tölul. vegna alvarlegra geðhegðunar- og þroskaraskana, svo sem vegna kvíða, þunglyndis eða þráhyggjueinkenna. Meðferðarskipti á grundvelli hverrar tilvísunar geta orðið allt að tíu.
3. Að fyrir liggi tilvísun á þjónustuna frá þverfaglegu greiningarteymi heilbrigðisstarfsmanna eða barnageðlæknii. Í tilvísun skal tilgreina fjölda meðferðartíma sem geta að hámarki orðið tíu, svo og gildistíma tilvísunar sem er að hámarki 12 mánuðir frá útgáfudegi hennar. Um meðferð vegna kvartana fer eftir lögum um landlæknii og lýðheilsu og lögum um réttindi sjúklinga. Sé að mati teymis eða barnageðlæknis þörf á tilvísun ákveður sjúkratryggður einstaklingur til hvaða samningsbundins sálfræðings honum er vísað. Teymið eða barnageðlæknir veitir aðstoð við val á sálfræðingi ef sjúkratryggður einstaklingur óskar eftir því. Sjúkratryggður greiðir ekkert gjald fyrir tilvísun.

28. gr.

*Greiðsluhátttaka sjúkratryggðs.*

Barn greiðir ekkert gjald fyrir komu til samningsbundins sálfræðings utan sjúkrastofnana.

29. gr.

*Lok meðferðar.*

Í lok meðferðar (meðferðarlotu) skal sálfræðingur senda skýrslu um árangur meðferðar til tilvísandi greiningarteymis eða barnageðlæknis, sbr. 3. tölul. 27. gr., þar sem fram komi stutt ágrip af innihaldi meðferðar og lýsing á árangri hennar á grundvelli markmiða samkvæmt tilvísun og þörf á frekari meðferð hjá sálfræðingi sé sú talin raunin.

XII. KAFLI  
Ýmis ákvæði.

30. gr.

*Reikningsupplysingar.*

Þegar reikningur er gerður til Sjúkratrygginga Íslands skal þjónustuveitandi draga greiðslu sjúkratryggðra frá umsöndu heildarverði. Ekki er gerður reikningur til Sjúkratrygginga Íslands vegna þjónustu sem veitt er á sjúkrahúsum eða á heilsugæslustöðvum nema sérstaklega hafi verið um það samið skv. IV. kafla laga nr. 112/2008, um sjúkratryggingar. Reikningar skulu að öðru leyti uppfylla skilyrði laga og reglna á hverjum tíma. Þeir skulu vera á því formi sem Sjúkratryggingar Íslands ákveða og getur stofnunin krafist þess að þeir berist á rafrænu formi.

31. gr.

*Séreglur fyrir líffæragjafa.*

Þeir sem gefa líffæri eða fyrirhugað er að gefi líffæri eru undanþegnir öllum gjöldum samkvæmt reglugerð þessari vegna rannsókna og/eða meðferðar sem er í beinum tengslum við brotnám líffærис eða fyrirhugað brotnám líffæris.

32. gr.

*Gjald fyrir sjúkraflutninga.*

Fyrir sjúkraflutning á sjúkrahús/heilbrigðisstofnun og frá sjúkrahúsi/heilbrigðisstofnun skulu sjúkratryggðir greiða 6.500 kr.

33. gr.

*Gildistaka.*

Reglugerð þessi, sem sett er með heimild í 1. mgr. 29. gr. laga nr. 112/2008, um sjúkratryggingar, sbr. 17. gr., 18. gr., 19. gr., 21. gr. og 22. gr. sömu laga, með síðari breytingum og 37. gr. laga nr. 40/2007, um heilbrigðisþjónustu, með síðari breytingum, öðlast gildi frá og með 1. maí 2017. Frá sama tíma falla úr gildi reglugerð nr. 1144/2015, um hlutdeild sjúkratryggðra í kostnaði vegna heilbrigðisþjónustu, reglugerð nr. 166/2014, um þjálfun sem sjúkratryggingar taka til og hlutdeild sjúkratryggðra í kostnaði við þjálfun, reglugerð nr. 208/2014, um hlutdeild sjúkratryggðra í kostnaði við meðferð húðsjúkdóma, veitta af öðrum en læknum og reglugerð nr. 1266/2007, um greiðsluþáttöku Tryggingastofnunar ríkisins vegna kostnaðar sjúkratryggðra barna yngri en 18 ára við þjónustu sjálfstætt starfandi sálfræðinga.

34. gr.

*Ákvæði til bráðabirgða.*

Við gildistöku reglugerðar þessarar skal taka mið af greiðslum sjúkratryggðs fyrir heilbrigðisþjónustu sem reglugerðin tekur til síðustu fimm mánuði fyrir gildistöku og mynda þær greiðslur afsláttarstofn. Afsláttarstofninn verður þó ekki hærri en hámarksgreiðsla sjúkratryggðs í almanaksmánuði, sbr. 3. gr., að frádregnum 1/6 hluta af hámarksgreiðslu.

Velferðarráðuneytinu, 7. apríl 2017.

Óttarr Proppé  
heilbrigðisráðherra

Vilborg Ingólfssdóttir

## Fylgiskjal I.

Ákveðið heildarverð fyrir geisla- og myndgreiningar til viðmiðunar við útreikning á greiðsluhluta sjúklings fyrir komu á heilsugæslustöð og sjúkrahús þar sem ekki er um innlögn að ræða, sbr. 2. og 4. mgr. 14. gr. reglugerðar þessarar.

Flokkar	Verð kr.	Flokkar	Verð kr.
1. fl.	4.452	11. fl.	31.800
2. fl.	5.936	12. fl.	33.920
3. fl.	9.540	13. fl.	37.100
4. fl.	15.476	14. fl.	47.700
5. fl.	19.080	15. fl.	53.000
6. fl.	21.200	16. fl.	59.360
7. fl.	22.896	17. fl.	108.120
8. fl.	24.380	18. fl.	233.200
9. fl.	29.256	19. fl.	334.960
10. fl.	29.680		

- Einungis er gjaldfært fyrir einn flokk í hverri komu í flokkum 17–19 og er þá miðað við hæsta verðflokk þess sem gert er.
- Gjaldfært er sérstaklega fyrir hjartagangráða, stent og regnhlífar, að öðru leyti eru einnota vörur innifaldar í verðskrá.
- Við ómskoðun gildir einu hve mörg líffæri innan flokksins eru skoðuð, hámarksgreiðsla fyrir sjúklingakomu eru tveir flokkar.

Ef rannsókn er í 8. flokki er það hámarksgreiðsla fyrir ómun.

V. fl. Ómfl. Nr.	Heiti rannsóknar	Ein.	V. fl. Ómfl. Nr.	Heiti rannsóknar	Ein.
<b>1. Verðflokkur</b>					
1	301-00 Epipharynx	21	2	460-00 Kviðarhol, yfirlit	28
1	304-00 Mjúkpartar á hálsi/barki/skjaldkirtill	21	2	501-00 Þvagfæravirfirlit	28
1	401-00 Munnvatnskirtlar	21	2	6xx-32 Bein og liðir álagsrannsóknir, liggjandi eða standandi	28
1	600-09 Rannsókn á sýni	21	2	6xx-33 Bein og liðir - hornamæling	28
1	601-00 Cranium	21	2	611-00 Orthopantomografia	28
1	602-00 Sinusar	21	2	617-00 Leguákvörðun aðskotahluts í auga	28
1	603-00 Andlitsbein/nefbein	21	2	626-10 Mjaðmargrind - skyggiaðstoð	28
1	608-00 Neðri kjáldík/jkjálkaliðir	21	2	626-11 Mjaðmargrind rannsókn á skurðstofu	28
1	609-00 Kjálkaliðir (bitrannsókn)	21	2	629-00 Hryggskekkjurannsókn	28
1	620-00 Sternum	21	2	655-00 Lengdarákvörðun/hornamæling á útlimum	28
1	621-00 Hálsliðir	21	2		45
1	622-00 Brjóstliðir	21	2		
1	623-00 Lendarliðir	21	3	199-00 Aðrar aðgerðir ótaldar	45
1	624-00 Rif	21	3	302-00 Talméinafræðileg rannsókn	45
1	625-00 Sternoclavicularliðir	21	3	320-07 Lungu/rekkjumynd	45
1	626-00 Mjaðmagrind	21	3	399-00 Aðrar aðgerðir ótaldar	45
1	627-00 Sacroiliacaliðir	21	3	443-00 Anal fistulografia	45
1	628-00 Spjaldbein/rófuþein	21	3	499-00 Aðrar aðgerðir ótaldar	45
1	631-00 Axlarl./viðbein/herðablað	21	3	511-00 Retrograd pyelografia	45
1	632-00 Sérmynd af acromion, Bigliani	21	3	512-00 Antegrad pyelografia	45
1		21	3	540-00 Grindarmál	45
1	633-00 Upphandleggur	21	3	599-00 Aðrar aðgerðir ótaldar	45
1	634-00 Olnbogi	21	3	600-36 Fistulografia	45
1	636-00 Framhandleggur	21	3	607-00 Dakrocystografia	45
1	637-00 Úlnliður	21	3	656-00 Ákvörðun beinaldurs	45
1	638-00 Hönd/fingur	21	3	699-00 Aðrar aðgerðir ótaldar	45
1	639-00 Mjaðmarliðir	21	3	91x-00 Ómun höfuð og heili	45
1	641-00 Lærleggur	21	3	912-07 Ómun heili mobil	45
1	642-00 Hnélíður	21	3	912-11 Ómun heili á skurðstofu	45
1	645-00 Fótleggur	21	3	92x-00 Ómun hjarta og brjóstholssæðar	45
1	646-00 Ökkli	21	3	93x-00 Ómun háls og brjósthol	45
1	648-00 Fótur/hæll/tær	21	3	94x-00 Ómun kviðarhol og kviðarholslíffæri	45
<b>2. Verðflokkur</b>					
2	320-00 Lungu	28	3	III 93x-00 Ómun heili	
2	320-09 Lungu/rekkjumynd á röntgendifeld	28	3	IV 94x-00 Ómun kviðarhol og kviðarholslíffæri	

V. fl.	Ómfl.	Nr.	Heiti rannsóknar	Ein.	V. fl.	Ómfl.	Nr.	Heiti rannsóknar	Ein.
3	IV	94x-07	Ómun kviðarhol og kviðarholslíffæri (mobil)	45	7		895-00	TS-dental einföld vegna titanium implantationar	108
3	IV	94x-11	Ómun kviðarhol og kviðarholslíffæri á skurðstofu	45	8		510-00	Þvagfærarannsókn með skuggaefni, urografia	115
3	V	95x-00	Ómun þvagfærí, eistu og nýrnahettur	45	8		131-00	Lumbal myelografia	115
3	V	95x-07	Ómun þvagfærí - mobil	45	8		132-00	Thoracal/Cervical/Total myelografia	115
3	V	95x-11	Ómun þvagfærí á skurðstofu	45	8		304-05	Mjúkpartar á hálsi m/ástungu	115
3	VI	960-00	Ómun bein - liðir - liðþófar	45	8		320-05	Lungu - ástunga/sýnistaka	115
3	VI	961-00	Ómun mjúkparta á úttíllum	45	8		350-00	Bronchografia	115
3	VI	962-00	Ómun útlimaæðar	45	8		450-50	Gallvegir, skipt um slöngu	115
3	VI	963-00	Ómun mamme	45	8		460-05	Kviðarhol, yfirlit m/ástungu	115
3	VI	964-00	Ómun mjúkparta, aðrir	45	8		463-00	Ductografia choled. (ERC)	115
3	VII	97x-00	Ómun leg, eggjaleiðarar, eggjastokkar og föstur	45	8		464-00	Ductografia pancreas (ERP)	115
<b>4. Verðflokkur</b>									
4		320-10	Lungu - skyggningaðstoð	73	8		590-50	Skipt um nefrostomiuslöngu	115
4		420-00	Magi	73	8		685-00	Bláðearanntsókn á handlegg	115
4		430-00	Mjógirmi	73	8		688-00	Lymfografia	115
4		450-00	Gallvegir um dren	73	8		6xx-05	Ástunga/sýnataka	115
4		453-00	Gallvegir í aðgerð	73	8		9xx-05	Ástunga eða sýnataka	115
4		460-10	Kviðarhol, skyggning	73	9		8xx-02	TS-rannsókn án og með skuggaefni/fjölfasa	138
4		501-10	Þvagfærí, skyggning	73	9		896-00	TS-dental tvöföld vegna titanium implantationar	138
4		586-00	Cavemografía	73	10		320-06	Lungu - ástunga/dren	140
4		589-00	Bláðearanntsókn, aðrar æðar ótaldar	73	10		460-06	Kviðarhol - ástunga/dren	140
4		6xx-35	Skuggaefnisrannsókn á liðum - artrografia	73	10		6xx-06	Ástunga/dren	140
4		600-10	Skyggning	73	10		9xx-06	Ómstýrð ástunga/dren	140
4		600-38	Rannsókn á líki	73	11		Mxx-00	Segulómrannsóknir án skuggaefnisgjafar	150
4		800-77	Plönun/eftirhléðslu	73	11		Mxx-60	Segulómum - æðaskoðun án skuggaefnisgjafar	150
4		821-04	TS-hálsryggur með skuggaefni í mænugang (myelogr.)	73	12		9xx-62	Æðaómskoðun án skuggaefnisgjafar/flæðisrannsóknir - báðum megin	160
4		822-04	TS-brjósthriggur m/skuggaefni í mænugangi (myelogr.)	73	13		725-00	Ísotóparannsókn heilaskann	175
4		823-04	TS-lendarhriggur með skuggaefni í mænugangi (myelogr.)	73	13		734-03	Ísotóparannsókn beinayfirlit - SPECT	175
4	VIII	9xx-01	Ómun m/skuggaefni	73	13		783-00	Æviskeið rauðra blóðkorna (red cellsurvival, RCS)	175
4		8xx-00	TS-rannsókn án skuggaefnisgjafar	73	13		784-03	Ísotóparannsókn lifur/milta (SPECT)	175
<b>5. Verðflokkur</b>									
5	VIII	9xx-60	Æðaómskoðun án skuggaefnisgjafar/flæðisrannsóknir - öðrum megin	90	13		715-00	Nýrnabarkar og safnkerfisskann (gluco eða dtra/dmsa)	175
<b>6. Verðflokkur</b>									
6		402-00	Sialografia	100	13		720-00	Nýrnabarkarskann (dpts. hippuran)	175
6		410-00	Vélinda	100	13		721-00	Nýru, Króm-EDTA-clearance (51-CR)	175
6		431-00	Mjógirmi I - tvíkontrast (sondupassage)	100	13		734-00	Ísotóparannsókn beinayfirlit	175
6		440-00	Ristill	100	13		735-00	Ísotóparannsókn lungu	175
6		441-00	Ristill - tvíkontrast	100	13		736-00	Lungu (loftvegir)	175
6		442-00	Defecografia	100	13		740-00	Ísotóparannsókn munvatnskirtlar	175
6		449-00	Herniografía	100	13		741-00	Hjartavöðvaskann (thallium) (einungis í hvíld)	175
6		530-00	Urethrocytografia	100	13		743-00	Ísotóparannsókn myocardium	175
6		531-00	Mictionsurethrocystografia	100	13		750-00	Nýrnabarkarskann (dmsa)	175
6		533-00	Vesiculografia	100	13		755-00	Ísotóparannsókn thyroidea	175
6		534-00	Rannsókn á Brickersblöðru (loopografía)	100	13		762-00	Blóðrúmmál (rauð blóðkorn, 51-Cr)	175
6		560-00	Hysterosalpingografia	100	13		763-00	Thrombosugreining (isotopaflebografi)	175
6		686-00	Gangliosphlebografi	100	13		766-00	Eistnaskann	175
<b>7. Verðflokkur</b>									
7		8xx-01	TS-rannsókn með skuggaefnisgjöf	108	13				
7		869-33	Tölvusneið - mjaðmargrind + hornamæling	108	13				
7		870-33	TS-fótleggur + hornamæling	108	13				

V. fl.	Ómf.	Nr.	Heiti rannsóknar	Ein.	V. fl.	Ómf.	Nr.	Heiti rannsóknar	Ein.
13		773-00	Ísotóparannsókn gallvegir (HIDA)	175	16		Mxx-01	Segulómrannsóknir án og með skuggaefnisgjöf	280
13		779-00	Táragöng	175	16		Mxx-61	Segulómun - æðaskoðun með skuggaefnisgjöf	280
13		784-00	Ísotóparannsókn lifur/milta	175					
13		787-00	Maga-vélinda refluxskann	175					
13		788-00	Ísotóparannsókn magataemning patologiskt	175	17		170-00	Carotis angiografia	510
13		789-00	Magatæming (föst fæða)	175	17		171-00	Carotis interna angiografia	510
13		791-00	Meltingarfærablæðingarskann með sulfur colloid	175	17		172-00	Sérþræðing á carotis externa ang.	510
13		792-00	Meckelscann	175	17		173-00	Arteriografia aa. vertebr.	510
13		793-00	Ísotópacystografia (MUCG)	175	17		174-00	Aorta-cervical angiografia	510
13		711-00	Ofstarfsemi skjaldkirtils meðferð með I31-I	175	17		175-00	Superselectiv angiografia	510
13		785-00	Schillingspróf I	175	17		176-00	Spinal angiografia	510
13		786-00	Schillingspróf II	175	17		180-00	Orbital flebografa	510
13		778-00	Beinaskann 3 fasa	175	17		181-00	Jugularis flebografa	510
			<b>14. Verðflokkur</b>	225	17		182-00	Spinal flebografa	510
14		8xx-61	Tölvusneiðmyndir - æðaskoðun	225	17		195-00	Deyfing á ganglion semilunare (Gasseri)	510
14	VIII	9xx-61	Æðaómskoðun með skuggaefnisgjöf/flæðisrannsókn	225	17		372-00	Thoracal aortografa	510
			<b>15. Verðflokkur</b>	250	17		376-00	Æðarannsókn hálslíffæra (t.d. skjaldkirtils)	510
15		704-00	Shuntfunction (ventriculo peritoneal eða önnur)	250	17		377-00	Þræðing á bronchial æðum	510
15		709-00	Skjaldkirtilsuptaká og scan	250	17		382-00	Skuggaefnisinnndæling í lungnaslagæð	510
15		710-00	Skjalkirtilskrabbamein, meðferð með 131-I	250	17		383-00	Thoracal cavografa	510
15		718-00	Ísotóp-lifur og lifrarblöðflæði	250	17		395-00	Non-invasiv raflifeðlisfræðileg rannsókn	510
15		726-00	Cisternografa	250	17		410-40	Vélinda - útvíkkun	510
15		728-00	Mænuvökvaleki	250	17		440-40	Ristill - útvíkkun	510
15		737-00	Hjartaskann (muga) (blood pool) án álags	250	17		470-00	Kviðarholsæðar - innndæling í aorta	510
15		742-00	Hjartavöðvaskann (thallium) með álagi	250	17		471-00	Kviðarholsæðar, sérþræðing	510
15		744-00	Ísotóparannsókn liðir	250	17		480-00	Cavografa inf. með v.iliaca	510
15		745-00	Liðbólga, meðferð með 90-Y	250	17		498-00	Víkkun þrengsla í vélinda	510
15		747-00	Bris	250	17		570-00	Æðarannsókn á æðum í mjáðmargind	510
15		748-00	MIBG (pheochromocytoma o.fl.) með 131-I	250	17		571-00	Sérþr. í æðar grindarholslíffæra	510
15		754-00	Ísotóparannsókn heila með Ceretec	250	17		573-00	Renal aortografa	510
15		756-00	Parathyroid kirtlar	250	17		574-00	Nephroangiografia	510
15		757-00	Nýrnahettur	250	17		576-00	Nýrnahettuslagæðar, sérþræðing	510
15		761-00	Ísotóparannsókn beinmergur	250	17		577-00	Sérþræðing í Art. testicularis/ovarica	510
15		765-00	Lymfueitlar	250	17		578-00	Slagæðarannsókn á ígræddu nýra	510
15		767-00	Æxlisskann með gallium eða jöð 131	250	17		579-00	Æðarannsókn, aðrar æðar ótaldar	510
15		768-00	Nýrnaskann með lasix	250	17		580-00	Flebografi á renalis	510
15		774-00	Gallvegir með Kinevac eða eftir fitumáltið	250	17		581-00	Nýrnablæðar, sérþræðing og blóðsýni tekin	510
15		775-00	Frásog á gallssýru í þörmum (SeHCAT, 75-Se)	250	17		582-00	Flebografa af gl. supraren.	510
15		776-00	Beinaskönnun, brífasa + tvífasa (liðir)	250	17		584-00	Sérþræðing í vena spermatica	510
15		777-00	Beinaskönnun, tvífasa	250	17		584-43	Lokun á vena spermatica (embolisation)	510
15		781-00	Polycytaemia vera, meðferð	250	17		585-00	Bláæðarannsókn	510
15		782-00	Æviskeið rauðra blóðkorma	250	17		590-00	Grindarholslíffæra	510
15		790-00	Meltingarfærablæðingarskann með rauðum blóð-kornum	250	17		592-52	Ástunga á nýrnaskjóðu (percutan nefropyelostom)	510
15		795-00	Æxlisskann með monoclonal antibodies	250	17		593-00	Stungið á blöðru í nýra (cystupunction) - stent	510
15		796-00	Sýkingarskann með merktum hvítum blóðkornum	250	17		675-00	Stungið á blöðru í nýra (cystupunction)	510
15		797-00	Sýkingarskann með gallium	250	17		676-00	Slagæðarannsókn á handlegg	510
15		798-00	Skjaldkirtskrabbaein, meinvarpaleið 131-I	250	17		677-00	Ganglimsangiografia	510
							679-00	Aorto-femoral angiografia	510
								Rannsókn annarra slageða	510

<b>V. fl.</b>	<b>Ómfl.</b>	<b>Nr.</b>	<b>Heiti rannsóknar</b>	<b>Ein.</b>	<b>V. fl.</b>	<b>Ómfl.</b>	<b>Nr.</b>	<b>Heiti rannsóknar</b>	<b>Ein.</b>
17		729-00	Basal ganglia (BETA-CIT-123-I)	510	18		746-00	MIBG (pheochromocytoma o.fl.) með 123-I	<b>1100</b>
17		8xx-05	Tölvusneiðmyndastýrð ástunga sýmistaka	510	18		780-00	Æxlikönnum (Octreotide, 111-In)	1100
17		8xx-06	Tölvusneiðmyndastýrð ástunga/dren	510	<b>19. Verðflokkur</b>		758-00	Beinamcinvörp, meðferð með 89-Sr (Metastron)	<b>1580</b>
17		Mxx-05	Segulómstýrð ástunga/sýnataka	510					1580
17		Mxx-06	Segulómstýrð ástunga/dren	510					